



江蘇省地方志編纂委員會辦公室編

江蘇歷代方志全書

18



江蘇省地方志編纂委員會辦公室編



鳳凰出版社

江蘇歷代方志全書

18

蘇州府部

ISBN 978-7-5506-2317-0



圖書在版編目（C I P）數據

江蘇歷代方志全書. 蘇州府部 / 江蘇省地方志編纂
委員會辦公室編. — 南京 : 鳳凰出版社, 2016. 7
ISBN 978-7-5506-2317-0

I. ①江… II. ①江… III. ①江蘇省—地方志 IV.
①K295. 3

中國版本圖書館CIP數據核字(2016)第131080號

書 名 江蘇歷代方志全書·蘇州府部
編 者 江蘇省地方志編纂委員會辦公室
責 任 編 輯 王 劍 王愛榮 吳 瓊 顧 娟 崔廣洲
裝 幀 設 計 姜 嵩
出 版 發 行 鳳凰出版傳媒股份有限公司
鳳凰出版社(原江蘇古籍出版社)
發行部電話 025-83223462
出版社地址 南京市中央路165號, 郵編: 210009
出版社網址 <http://www.fhcbs.com>
印 刷 揚州文津閣古籍印務有限公司
揚州市開發區鴻揚路22-2號(6幢), 郵編: 211153
開 本 889×1194毫米 1/16
印 張 3253. 25
版 次 2016年7月第1版 2016年7月第1次印刷
標 準 書 號 ISBN 978-7-5506-2317-0
定 價 79200. 00圓(全九十九冊)
(本書凡印裝錯誤可向承印廠調換, 電話: 0514-87969255)

道光蘇州府志(四)



(清) 宋如林 修
(清) 額騰伊 纂
石韞玉 等

第十八冊目錄

道光蘇州府志（四）

.....

〇〇一

蘇州府志卷第七十四

名宦目錄六 歷代縣令僚屬附

常熟昭文二縣

宋

江康之

何子平

鮑照

梁

岑之敬

唐

郭思謨

張旭

蘇州府志

卷七十四

名宦 目錄 一

劉太真

蕭存

顏顥

李暎

周思輯

宋

蔣文懌

王世昌

晁宗恪

范擴

郭三益

李光

俞彥嶼

曾慎

鄭穆

劉穎 再見

趙善言

孫應時

葉凱

趙崇祐

惠壽

孫沂

王綸

王文雍

元

孔文貞

姚鎬

盧克治

王英

火失哈兒

段天祐

班惟志

張成德

盧鎮

明

蘇州府志

卷七十四

名宦 目錄 二

李彰

高瑞

柳敬中

林暄

陳瑗

廖璉

郭南

唐禮

甘澤

鄧珙

蘭玉

王綸

楊子器 再見

秦禮

計宗道

胡巍

張濬

劉乾亨

俞浪

王繼禮



胡鳳	徐潑
沈宏彝	馮汝弼
王鈇	黃嘉賓
王叔杲	張集義
段然	趙國琦
譚昌言	耿橘
楊漣	楊鼎熙
本朝	
湯家相	趙育溥
于宗堯	林象祖
蘇州府志	各宦 目錄 三
楊振藻	陳守創
勞必達	李惟一
張嘉論	張暑
敬華南	
吳江震澤二縣	
宋	
馬尋	張先
李問	王庭堅
孫覺	林肇
陳瓘	程俱

徐勣	向子韶
石公轍	李衡
趙公廣	莫若冲
徐侶道	張達明
袁韶	呂祖憲
元	
王柔	哈刺哈孫
皇甫壁	高仁
張顯祖	段廷珍
干文傳	那海
蘇州府志	再見 各宦 目錄 四
孔克中	廖欽
蔣奎	陳耘
陳敏	刑寬
李昇	賈忠
葉錫	王懋本
劉彪	陳堯弼
金洪	王鑑
徐欽	張明道
喻時	王國光

楊芷 李遷梧

吳一本 王一言

徐元 祝似華

劉時俊 晏清

熊開元 葉翼雲

本朝

孔允祖 雷珽

趙子三 劉定國

霍勳 郭琇

趙軒臨 鄧圭

蘇州府志

卷七十四

名宦

目錄

五

陳和志 丁元正

鄒玉章 陳莫纘

沈名揆 蘇正蒙

附歷代教職

宋

胡瑗 王逢

陳公輔 吳祥

仲并 陳造

倪千里 李大有

江泰亨 史蒙卿

元

李淦 陳伯

盛德瑞

明

貢穎之 張守忠

王鳴吉 林岳

袁銘 陳孟浩

韓陽 劉諭

李謨 黎擴

林智 張憲

蘇州府志

卷七十四

名宦

目錄

六

胡經 李一寧

錢德洪 翟表

吳永昌 陳琦

本朝

程邑 俞昌言

以上郡學

元

錢良佑

明

陳道曾 甘澤



袁春

本朝

夏鼎

喬汲

元

黃季倫

以上吳縣學

明

周岐鳳

聶大年

彭道

本朝

蘇州府志

卷七十四

名宦 目錄

七

侯文煊

王廷昂

程元基

以上長洲元和二縣學

元

孔淵

王夢聲

明

陳潛夫

林鍾

朱冕

張倬

張汝才

沈應奎

洪應紹

本朝

方式玉

王廷琬

以上崑山縣學

明

趙永言

劉文詔 呂尚古汪元臣

詹仰聖

許成器

李惟柱

本朝

徐桐

以上常熟昭文二縣學

蘇州府志

卷七十四

名宦 目錄

八

明

梁矩

王惟孝

蔣宏憲

本朝

廖維新

黃樑

以上吳江縣學

附歷代武臣

晉

劉牢之

五代

孫炎

宋

侍其曙

辛永宗

李寶

王易

開趙

王安節

元

甯玉

明

吳良

俞大猷

本朝

蘇州府志

卷七十四

名宦 目錄

九

白雲上

名宦補遺

本朝

朱樹基

蘇州府志卷第七十四

名宦六

歷代縣令僚屬附

常熟昭文二縣

宋

江康之考城人淹之父為南沙令雅有才思

南史

何子平潯人世居會稽少有至行事母至孝元嘉末除海虞令

縣祿唯以養母一身妻子不犯一毫人疑其儉薄子平日希

祿本在養親不在為已問者慚而退母喪去官哀毀踰禮

宋書

鮑照字明遠上黨人少有文思宋臨川王愛其才以為國侍郎

孝武初除海虞令遷大學博士中書舍人

梁虞炎鮑明遠集序

蘇州府志

卷七十四

名宦六

梁

岑之敬南陽棘陽人五歲讀孝經每燒香正坐年十六擢高第

累遷武陵王府參軍太清元年表請試吏除南沙令侯景亂

率領所部赴援聞臺城陷乃與眾辭訣歸鄉里

陳書

唐

郭思謨太原平陽人以孝子徵拜安平縣丞內憂服闋轉江陰

丞又應廉讓舉擢武功尉秩滿遷常熟令凡佐三邑宰一縣

所居必化所在必理開元九年正月卒於官

唐吳郡進士孫翌撰墓誌銘

按此人諸志皆不載近有常熟人吳徵譽家藏此碑文凡入

百餘字述其孝行甚詳天后命史臣褒贊特加旌表而史傳

不載諸志亦無其名知古來闕略者多矣因據其文增入焉

張旭爲常熟尉因老人求判得觀其所藏書益盡其法詳見人物

劉大真字仲適金陵人唐書作宣州人弱冠以行義修潔詞藻瑰異爲

蕭穎士所知廣德中以薦授左衛兵曹李栖筠在浙西表爲

常熟令到官未期一邑自化歷官禮部侍郎信州刺史盧志

蕭存字伯誠蘭陵人揚州功曹穎士子亮直有父風能文詞浙

西觀察使李栖筠表爲常熟主簿唐書

顏顥琅邪人魯公真卿之子也爲常熟尉弟頤字仁純爲吳縣

簿子孫遂家於吳姑蘇志

李暎元和中爲常熟令劉允文記新開常熟塘碑以頌其績姑蘇志

蘇州府志 卷七十四 名宦六

志

周思輯汝南人咸通間爲常熟令歲旱禱於破山龍祠得雨邑

人霑感皮日休記其事後爲給事中姑蘇志

宋

蔣文樸以朝奉郎試大理司直行常熟令事兼監察御史太平

興國三年錢氏納土後首任七年去任餘杭陸韶之作頂山

龍祠記載其政事姑蘇志

王世昌字次仲許州人知鹽官縣改常熟轉運使張式以治狀

奏充秀州判官終都官郎中盧志

晁宗恪字世恭以世父迴恩補將作監簿知常熟縣修學校理

溝防人賴其利姑蘇志

范擴爲常熟簿曾鞏舉其博學能文通經術敦重恬靜以母老

家貧樂仕鄉土堪充館閣及國子監直講任使曾南豐集

郭三益字慎求義興人元祐進士才高有器識大臣屢薦之爲

常熟丞常平使者調蘇湖常秀之人瘠青龍江分地程役三

益所部前期告辦使者留之俾助他邑之不如期者三益卽

引所部歸使者怒檄追甚急三益以爲戚其母周曰青龍之

役連數郡其分地程役賦廩食皆已上聞今我先畢何名復

役之使者倘再思行悔矣雖然汝不可無往第無以所部從

可也三益如教已而使檄止丞勿來事遂已盧志

蘇州府志 卷七十四 名宦六

三

李光字泰發上虞人崇寧五年進士知常熟縣朱勔父冲倚勢

暴橫光械治其家僮冲怒諷部使者移令吳江光不爲屈宋史

俞彥嶼知常熟縣建炎三年韓世忠帥兵自海道從縣赴郡會

張浚勤王四年元朮犯郡李閻羅屯兵於縣彥嶼並周旋其

間姑蘇志

曾慎紹興中宰常熟立縣令題名碑王伯廣作宣風樓記稱其

知足以知勇足以行御吏若西門之治鄴愛民如子產之治

鄭云姑蘇志

鄭穆字應和長汀人家無錫由定遠令改常熟丞攝縣事有潰

兵絕江由福山闖關邑人大恐穆單車撫諭遂皆革心有爪

訟得直袖白金數斤爲謝穆正色卻之終朝散郎徽州通判

志

劉穎字公實衢州西安縣人紹興二十七年進士淳熙元年知

常熟縣有善政以治水利有勞特轉一官終寶謨閣學士贈

光祿大夫

琴川志

趙善言字從之祖守江陰因家焉初調常熟尉侍郎劉穎參政

張伯孝俱見器重終朝請郎知臨江軍其居官於利民之政

則勇爲之兩邑一郡皆有陰德

志

孫應時字季和餘姚人早從學於陸九淵登進士第爲黃巖尉

有惠愛常平使者朱熹重之邱岳帥蜀辟入制幕改常熟縣

蘇州府志

卷七十四

名宦六

四

既秩滿郡將以私憾据撫倉粟累政流欠三千斛見問士民

感德至相率擔負詣郡願代償不報竟坐貶秩爲詩謝邑人

云牛車擔負愧高義豈知薄命非見寬至今人思之授通判

邵武軍未上而卒

志

葉凱開禧三年知常熟嘉定二年以平反冤獄得旨轉通直郎

修儒學刊琴川志修社壇

琴川志

趙崇志字安伯嘉定八年知常熟縣十一年九月滿替作龍湫

亭宗人朝散大夫趙時侃記其略曰操心誠律已廉爲政無

愧於幽顯云

鄧敦常志

惠疇字敏之江陰人知常熟縣劬農勸學擢良摘姦政以大成

曾丞相榜其閣曰景言以旌之

姑蘇志

孫沂字彥溫丹徒人擢進士爲常熟丞時長官有挾不屑民事

凡所以下息田里之爭上應臺府之令惟沂是賴民有歲久

不決之訟皆請於臺府願以屬沂旁縣亦然臺府旣以爲常

沂亦不復計彼此部使者再委攝府學教授謝不就以疾丐

歸

志

王煥字仲潛一字伯晦紹興新昌人嘉定十三年進士端平元

年知常熟縣重建縣學敦育言氏子孫正經界立役法修社

壇創義阡嘉熙元年以職事修舉轉一官除提轄左藏庫

志

參

蘇州府志

卷七十四

名宦六

五

王文雍寶祐中知常熟重修城闔及譙樓置刻漏創兩務官廳

濬市河福山塘築新隄葺亭發衛飭整版籍

姑蘇志

元

孔文貞字從善東平人至元丁亥尹常熟歲大潦漂沒田廬饑

孳流離文貞發廩拯溺全活甚衆明年躬督民疏港浦洩積

水注之江秋乃大穫邑賦數千石爲勢家所匿吏不敢問文

貞覈實其數勢家感其至誠遂盡輸納政在安民不邀浮譽

權勢貨利俱弗顧吏民咸畏愛之

姑蘇志

姚鎬字周卿邯鄲人元貞間任常熟主簿督視許浦永豐倉潔

已繩下芟柳蠹盡庾積殷實丁亥夏雨田陸混一富室閉糴

粟價翔踊鎬出郊勸分爭相割助督浚運河經度盡瘁按訟平當馭吏嚴而有度不聽讒愬不畏強禦

盧克治字仲敬濮陽人大德間知常熟州沈毅宏遠復多仁恕獄無冤濫好施勸分教育言氏子孫覈實學田築社稷壇拓公宇增修邑志民爲立生祠今列祀學宮名宦祠

王英字世傑燕山人先任大同路推官皇慶初知常熟州事政教修明訊讞詳允至於獄空

火失哈見欽察氏由宿衛入官至治二年爲常熟州達魯花赤凡州事悉倚辦於里正民有訴不勝役者數十戶乃曰里正雖卑而責任易稱其力而均任之田不過一頃者皆釋不事

蘇州府志

卷七十四

名宦六

六

諸役皆倣此吏不得貪緣規利未幾朝廷聞浙右田有賦存而無徵者里正歲代償至破產議勸富民助田以紓之擇火失哈兒視事乃得民一百五十餘戶田一千一百三頃歲入米六萬四千石又奉省檄勸富民平糶廉知田已鬻而抑派者居四之三凡爲米四萬九千石有奇茫無可徵廷辨力爭卒得蠲釋轉徙就食者日來歸募民墾荒田八十餘頃歲增賦三千餘石開淞江浚練湖修大成樂令學官課講焉泰定丙寅滿去民請湯彌昌記其遺愛

段天祐字吉甫河南人泰定甲子進士選爲常熟州判官有文學

班惟志字彥功松江人後至元間知常熟州能文工詩尤善揮翰

張成德字彥卿東平人至正間知常熟州政目紛複獨以重鎮浮民習用新征徭勸課有法數致老成詢察疾苦暇則命酒賦詠士庶愛頌之

盧鎮淮南人至正間以領兵副元帥兼常熟知州雖起武弁而崇奉儒術延邑士修琴川志時兵民雜居戢而不肆鎮之力也

以上俱姑蘇志

明

李彰知常熟縣性寬厚有大略洪武二年春邑人朱蝦蟻劫官

蘇州府志

卷七十四

名宦六

七

庫作亂居民升屋以瓦擲之賊斃守兵踰城飛報蘇州太倉二衛翌日兵至城下彰出迓之從容謂其將曰民爲盜民捕之已盡衆來何爲吾已聞於朝矣出牛酒勞軍請駐以待報詔遣王御史來視彰與耆民迎於境上具陳其故御史遂令兵還民指謂子女曰爾輩平公活之也

姑蘇志

高瑞洪武二十六年爲常熟知縣居官有廉操嘗著敝袴隸人戈孟遠竊見之納絹二疋於衙內瑞諭而鞭之加絹於項扶出之人莫敢干以私

姑蘇志
參鄧志

柳敬中慈谿人洪武三十一年以登封教諭陞常熟知縣前政久弛敬中隨宜剗治廢墜修舉田野開闢崇儒禮士政聲翕

然孔氏子孫有流寓邑中者貧不能娶敬中爲娶妻築室宣化門外給產以養范文正公之裔少孤無生業爲築室廩食之製衣巾具束脩俱學於邑庠永樂六年以憂去服闋吏民詣闕請復任陞蘇州同知今祠于學

節志參管一德常熟志

林暄仁和人洪武三十一年由監生試常熟丞守身謙潔保善

抑豪永樂五年以求賢陞袁州府通判

姑蘇志

陳琰烏程人由訓導累陞大理寺丞洪武三十二年左遷常熟簿永樂元年復舊任琰爲人言簡而中理動止有則

姑蘇志

廖璉新淦人永樂中爲常熟知縣寬厚廉勤門無私謁民感其

政後陞蘇州府通判

南畿志

蘇州府志

卷七十四

名宦六

八

郭南上虞人初由縣吏授吳江典史築長橋有功除常熟撫民主簿逋逃復業者四千餘戶獄訟者不之令而之簿居四年改管糧弊除而課早集宣德九年常熟令缺知府況鍾與撫按論薦遂遷知縣南發濟農倉米募民疏通諸浦導江湖灌高原田洩湖水東注化汙萊爲膏壤贖還貧民鬻子女償逋者百餘口以倉米貸民收時止課其本設義役倉每里出米五十石遂享十年之逸驅太倉鎮海二衛屯軍令民代種收租蘇州衛軍爲暴并抑之禁鬼禩正婚喪橋梁器用莫不修飭府僚有行縣需索及盜支官鈔者發其罪不少假邑民獻粟甚甘南食而伐其樹曰後必有以進奉病吾民者正統八

年丁內艱歸十二年民請復任又一載告歸

龔立本常熟志

唐禮字敬身武康人舉賢良方正天順初知常熟縣文雅有爲重建子游祠道愛亭立進士題名碑

姑蘇志

甘澤字洪濟開州人天順間以進士任御史左遷滁州衛經歷

成化元年巡撫劉孜薦陞常熟知縣食正五品俸剛方有爲豪猾屏息其治以嚴稱嘗修學宮重建東南二倉造倉畔二

石橋四年以事罷

鄧志

鄧珙字宏中閬縣人成化初以進士知常熟縣首誅姦惡以剛

果稱九年陞南京戶部主事

姑蘇志

蘭玉字廷璋趙州人由進士知常熟豈弟清謹慎於聽獄未嘗

蘇州府志

卷七十四

名宦六

九

以私刑一人在邑有惠愛民謠云好爛肉富常熟成化十三年北覲卒於京

王綸字大經開州人宏治三年進士授常熟知縣淳靜簡易於監臨平心事之不承迎以干進事至不辭劇易訟牒可諭則決遣或委者民理之多平服款歲躬出勘災煮粥以食飢民待吏嚴整無偏聽歲漕如期而集任內鮮逋賦以學法整諸士得其俊異而禮之號舍不能容闢地構屋與居遷衢州通判又遷山西沁州知州

以上俱鄧志

楊子器字名父慈谿人宏治初知崑山有惠政以憂去服闋補高平以巡撫朱瑄薦調常熟蒞任未久風采一新教民築隄

捍水流亡者召之復業田稔而后稅之立歲徵法先入者免
贈米越三日量免之不數日米入已盈數萬折糧銀往時隨
糧以納至銀貴米賤而傷農子器論小戶以米轉易事畜養
紡織春半而輸凡輸銀近在堂廡監收者不得橫取徭役視
其丁力始至卽召里胥民圖所居方向籍書事產丁力審役
日按籍而定之靡有自匿者邑校素稱多士子器親爲講授
月朔集之課試雖祁寒盛暑不易期行鄉飲賓禮其有年行
親造其廬爲鈞敵禮鄉賢張修撰女孫許人爲妾子器取以
嫁先賢言氏之後而躬臨其婚冠婚禮久廢每月朔望召儒
士張堯民林傳季鶴輩講肄於社學訟者許投牒卽日閱之

蘇州府志

卷七十四

名宦六

十

揭名氏於縣門里正傳集候審至則片詞而服罰取懲而不
殘戶小大人賢不肖舉知之自其視篆病者不禱於祠游惰
不飲於市爭者不鬩於道威行信孚政稱神明其尤無賴怙
終者板書其名於縣亭准古式修大成樂卓然有古循吏風
召入爲吏部考功主事歷官河南左布政

鄧志參
龔志

秦禮字從節臨海人宏治十三年以進士知常熟縣性淳厚政
不立異凡前令楊子器規畫守之不變事至平心決之民安
其治素恬泊不喜事迎謁有不樂者上官入其言改知鉛山
邑人咸恤之後爲河南按察僉事

鄧志

計宗道字惟中馬平人舉進士宏治十五年知常熟縣英果有

爲潤達持大體臨事有定見不可奪遇歲歉輒先事具白上
官議蠲減知府林世遠甚重之邑諸豪猾常營事受罔官府
宗道蠲其奸終無所聽信居三年稅足而事集操履清慎於
民有威愛暇則糾名流相與觴咏諸生有詞學者厚禮之遷
延平府同知官至衡州知府

鄧龔二
志合纂

胡巍字世高開州人由進士正德五年知常熟縣渾朴慈祥三
載考績上官以糧役進完爲限巍曰率棄官不可殺吾民劇
盜劉七將至福山鄰邑令有以家屬寄道巍不爲動八年行
取卒于家

管志

張濬字深甫黃縣人正德九年以進士知常熟縣縣理人弛強

蘇州府志

卷七十四

名宦六

十一

宗撓法病民濬持法無所徇厨傳簡約居之晏如當盛暑循
行郊野致疾卒行囊蕭然

鄧志

劉乾亨字汝嘉洛陽人正德十四年以進士知常熟縣政尙威
稜然亦不事苛察治辦而民不擾滿考遷戶部主事

鄧龔二
志合纂

俞浪新昌人正德十六年由監生爲常熟丞識略優敏臨義敢
爲工爲詩政暇不廢吟咏白茆之濬將錄其功爲上官所抑
坐以小法會丁父憂去後浪奏理前事得白聽致仕

龔志

王繼禮字行之文縣人以進士先任阜城令嘉靖二年改常熟
端已臨下寡嗜慾人不得窺其際賦役多因前政之善不務
更張以示才出語必信有爲必果邑多巨室莫敢干以私布

袍蔬食一切泛費皆停罷民樂其不擾而敬其清方召爲監
察御史鄧志

胡鳳字文明黃梅人嘉靖六年以進士知縣事催科不嚴而集
決獄各當其情律已尤嚴還南京戶部主事鄧志

徐潑字景宇淳安人嘉靖九年以進士知常熟縣性明察臨訟
一見而決往時定役以其書付吏猾吏得高下其等潑既定
其役揭之縣牆使人共知應役與免吏不能售其奸縣有積
逋數萬多漁入者潑逮繫而徵之尤嚴治惡無所縱舍有沈
欽者兄弟以鹽盜橫一方潑踪跡捕得之繫獄中徐達者名
健訟善嚙人潑捕治論死性不能媚上坐是久不進考滿得

蘇州府志

卷七十四

名宦六

十二

荆州通判遷南京考功主事鄧志

沈宏鑒字君敘陳州人嘉靖十二年以進士知常熟勤於職業

晨興視事宵燭而後入凡徵稅役法擇前令之善者用之衙

前公費視往時多所裁減吏有玩法者立治不少貨濱江盜

發前後擒其雄猾餘黨散去縣境以寧均田檄下宏鑒供事

有勞以薦爲戶部主事鄧志

合纂

馮汝弼字惟良平湖人嘉靖壬辰進士授行人擢工科給事中

以疏劾吏部尙書汪鉉謫潛山丞十六年遷常熟知縣時方

奉旨丈田當事者互相觀望汝弼毅然立法清丈閱三月事

竣田無漏籍戶無虛糧然竟以是爲同列所忌被論調去管

二志
合纂

王鈇字德威順天人嘉靖二十九年進士授常熟知縣濱海多
大猾匿亡命作奸鈇悉貫其罪倭患起鈇語諸猾曰何以報
我咸請效死於是立耆長部署子弟得數百人合防卒訓練
縣故無城鈇率士卒城之倭來薄數禦卻之已自三丈浦分
掠常熟江陰參政任環令鈇與指揮孔燾分統官兵兵三千
破其寨斬首百五十有奇焚二十七艘餘倭皆遁復掠旁縣
將由尚湖還海鈇憤曰賊尙敢涉吾地邪必擊殺之會邑人
錢泮忿倭熟其父柩力從吏鈇乃用小艇數十躡倭夾擊
之隘中獨耆長數人從皆力鬪鈇陷淖瞋目大呼腹中刃死

蘇州府志

卷七十四

名宦六

十三

時三十四年五月也詔贈太僕少卿蔭錦衣世百戶遣官諭

祭立祠死所歲時奉祀明史忠義傳縣志鈇與錢泮追倭

家人力不能還乃留其弟若子中伏處地名讓塘鈇沒後邑民見其

入福山港時主簿李宗昭二僕一名李安一名李其攜刀斃

偵賊遇賊入人安縱弩燈其魁復揮刀殺二賊賊方惶怖而

安墮墮被刃死某奮勇獨戰頸中二刀氣愈厲賊大駭引去

黃嘉賓崇安人嘉靖三十八年以進士知常熟縣頻遭倭患繼

以旱澇嘉賓撫綏瘡痍輸賦者布縷雞豚皆收納發摘姦伏

如神會捕治海寇吳宗鹽使袁某入宗賄誣逮嘉賓幸輿論

保持之然未及給由量遷戶部既去民思之至萬厯丁未始
祀名宦祠時有一父老扶杖匍匐云少遭冤獄遇公得釋望
木主且泣且拜哀動路人龔志

王叔杲永嘉人進士嘉靖四十二年由靖江知縣調繁常熟清敏和易尤善形家言建文學書院重造縣衙移鐘樓於異方皆工作之鉅者而不以煩民後又備兵蘇松

張集義餘姚人進士萬曆十一年自丹徒調繁常熟慷慨任事修城浚川不避勞怨更變役法每區以一人掌賦而各用經催佐之重差通融均派後皆遵行陞兵部主事

段然號幻然江夏人進士萬曆二十六年知常熟沈毅多謀咨聘布衣顧耿光待以賓禮稽覈賦稅宿蠹一清凡得乾沒之額三千石有奇歲大飢詔蠲租五萬餘石用耿光計災黎悉沾實惠築隄導渠改倉造獄俱有規制東南屢苦澇然清刷

蘇州府志

卷七十四

名宦六

古

宿通創公租法秋成日俾里正循行分收充額而止官民兩便

趙國琦字伯玉南昌人進士萬曆二十七年自廬江調繁常熟操守清謹嘗親行阡陌察覈荒田又以額派餘米三千石抵坍荒稅用形家言改闢縣門創譙樓砌甬道居三載擢刑部主事後官至參政

譚昌言字聖俞嘉興人進士萬曆三十年知常熟天資英敏剖決如流歲當大造契稅例有三四千兩悉免之平徭役御餽遺士民莫不愛戴會青矜變起郡守引疾昌言改調婺源虞山劍門之崖鐫去思石三字以志德以上俱龔志

耿橘字藍陽獻縣人進士萬曆三十三年知常熟縣首復子游書院浚福山鹽鐵李墓三丈諸塘浦工畢而民不擾所著常熟水利全書傳於世舊志

楊連字文孺一字大洪應山人萬曆三十五年進士除常熟知縣初至與城隍神約所不秉公而徇紳豪者有如日竟漣之任竿牘絕跡凡爲姦猾亂治者皆收案致法常徒行阡陌問問民疾苦慰勞如家人父子築雲樞石塘五十里以遏暴流免病涉坊里供億繁苦捐公帑代之創復文廟樂舞設義塾於各城備修脯延師令貧者就學俸薄不足贍家口其兄賣田以資之五年入覲毀所束帶以辦裝舉廉吏第一擢給事

蘇州府志

卷七十四

名宦六

五

中厯左副都御史抗疏劾魏忠賢二十四大罪被逮繫詔獄崇禎初贈太子太保諡忠烈邑人立專祠於雲和塘旁縣志參楊志

楊鼎熙京山縣人由進士崇禎元年知常熟縣能理繁劇案牘日常累百剗決如流初常熟漕法不一大戶易輸而鄉民倍肩其難鼎熙言於撫按一例水次輸兌勞逸乃均勒石永遠在任九年左遷去舊志

本朝

湯家相字泰瞻趙城人順治六年進士八年授常熟知縣初至率士民矢於神不受一錢爲政以撫流亡植善類爲務有